

**Gryphius, Andreas: V.**  
**Vanitas mundi (1650)**

1 Was ist die Welt/  
2 Die mich bis her mit jhrer pracht bethöret?  
3 Wie plötzlich felt/  
4 Was Alt vnd Jung/ vnd Reich vnd Arm geehret!  
5 Was ist doch alles was man alhier find?  
6 Ein leichter wind!

7 2. Was jtzund blüht/  
8 Kan noch für abend gantz zutretten werden.  
9 Der sich hier müht  
10 Vmb flüchtig geld/ muß ohne geldt zur erden.  
11 Er samlet fleissig (doch für ander) ein.  
12 Vnd stirbt allein.

13 3.  
14 Das Seiden spint/ verstrickt sich in sein spinnen.  
15 So müssen wir  
16 Durch vnsern fleis/ oft vnsern todt gewinnen.  
17 Viel hat verstandt/ vnd was vns weise macht;  
18 In's grab gebracht.

19 4. Der Tulipan  
20 Wird weil er glänzt/ von Jungfrawn abgeschnitten/  
21 Schaw Menschen an/  
22 Sie haben schmach/ vmb das sie schön/ erlitten.  
23 Vnd (wenn sie nicht entsetzt ein schneller todt;)

24 Ach! angst vnd noht;  
25 5. Bist du bekandt?  
26 So kan dir jeder deine feil' aufrücken.  
27 Wofern dein standt  
28 Verborgen ligt/ so wirdt dich jeder drücken/  
29 Wer reich ist wird beneidet vnd verlacht/  
30 Wer arm; der schmacht.  
31 6.  
32 Ein schifflin wird bald her bald hin geschmissen/  
33 So setzt vns zu  
34 Der sorgen sturm/ wir werden hingerissen  
35 Auff dieses lebens schmerzen volle See.  
36 Da eitel weh!  
37 7. Wie seelig ist  
38 Wer schaden frey kan an den Port einfahren!  
39 Wer jhm erkiest/  
40 Den rechten lauff der G  
41 Der kan/ ob Wellen/ Bergen gleich' aufstehn:  
42 Nicht vntergehn!

(Lyrikkompass: V.

Vanitas mundi. Abgerufen am 24.04.2025 von <https://www.lyrikkompass.de/poems/672>)